



**Nipilersortartut immiussinissamut 10.000 kr.tikillugu tapiissummik misiliutaasumik 2022-miit augustip aallaqqaataani atuutilersussamik Naalackersuisut pilersitseqqullugit Inatsisartut aalajangiiffissaattut siunnersuut. Katillugu ukiut marluk ingerlaneranni 300.000 kr.-nik aningaasalerneqassaaq, Nunatsinni nipilersukkanik saqqummersitsisarnerup siuarsarmissaanik siunertalimmik. Misilittagaalersimasut nalilersuinissamut atorneqassapput avammut tunisassiornikkut kiisalu eqqumiitsuliornikkut siuariarsimanermut sunniuteqarsimanersut.**

Inatsisartunut ilaasortaq Aqqalu C. Jerimiassen, Atassut

## **Siullermeerneqarnera**

Naalackersuisut pilersititseqqullugit Inatsisartut aaliangiffigissaattut siunnersuut Inatsisartunut ilaasortap Aqqalu C. Jerimiassen, atassut siunnersutaa imatut taasissutissataa qulequtaqartoq: Nipilersortartut immiussinissamut 10.000 kr.tikillugu tapiissummik misiliutaasumik 2022-miit augustip aallaqqaataani atuutilersussamik Naalackersuisut pilersitseqqullugit Inatsisartut aalajangiiffissaattut siunnersuut. Katillugu ukiut marluk ingerlaneranni 300.000 kr.-nik aningaasalerneqassaaq, Nunatsinni nipilersukkanik saqqummersitsisarnerup siuarsarmissaanik siunertalimmik. Misilittagaalersimasut nalilersuinissamut atorneqassapput avammut tunisassiornikkut kiisalu eqqumiitsuliornikkut siuariarsimanermut sunniuteqarsimanersut.

Kalaallit nunatsinni nunap inui piginnaaneqartorpasuppuput nipilersornerup tungaatigut, taallarpasuit tarnikkut pisuunnguutigalugit nukittorsaataasartut amerlasoorujussuit pigaagut. Taamatullu erinnat nuannerluinnartut amerlasuut pilersinneqartartut pigaagut.

Nunatsinni piginnaanilippasuit inoqqortussuseq aallaavigalugu amerlasoorujussuuppuput nunatsinni angerlarsimaffinni amerlasoorujussuarni iseraangatta sumi tamani pattagiaqanngkkuni, guitareqanngikkuni nipilersuutinik arlaatigut peqartuaannarpoq ulluinnarni nalliuttorsionerni arlaatigulluunniit nuannerluinnartumik appisimaarutaasarlutillu ulluinnarni atorluarneqartut.



Taamatut nunatsinni piginnaaneqartorpassuit pitsaaneruseqarneratigut siunissami nunarsuarmioqatitsinnut annguttarneratigut pitsaaneruseqarneratigut aningaasarsiorfinngorsinnaavoq ilaatigut aningaasarpassuarnik nunatsinnut isaatitsiffiusinnaanngorsinnaasoq, tamatumalu anguniarnissaanut aqutissiuussinerup ilagaat Aqqalu Jerimiassen siunnersuutaa.

Naleqqamiit nipilersortartut pitsaaneruseqarneratigut aammalu nunarsuarmioqatitsinnut tusaamasanngortussat amerlaneruseqarneratigut aqutissiuunneqarnissaanut suliniutit tapersersortarpagut oqaasiinnaanngitsumik nipilersortartunut tapersersuisartuugatta.

Taamatut siunnersuut nipilersortartut periarfissaanik pitsaasumik aqutissiuineq siunissami aningaasarsiornermut aqutissiuunneqarneratigut ilaattut isigalutigu siunnersuut tapersersorparput ataatsimiititaliamilu susassaqaqartumi sukumiisumik suliarineqarnissaa innersuussutigalutigu taamatut tapersorsorlutigu oqaaseqarfigaarput.